



Arubaanse Courant

Aña 25

DIABIERNE 20 MAART 1964

No. 4992.

Apuntes Editorial Amigoe di Aruba ta Amigo di Aruba ?

"Amigoe di Curacao" den hopi sintido ta un diario stranjo. No unicamente pasobra e ta scirbi number di e Todopoderoso den su kolumnanan redaccional cu solamente un letter major (hoofd-letter) y suppropio number cu eise letter major.

No unicamente pasobra e diario ta demasiado berde cu un rand fini oranje, un contradicion cun ta armoniza cu rectitud. No unicamente pasobra na Corsow parse e ta busca su instruccionnan na Cas di Pueblo y na Aruba unsirbidor masha distingido di e partido di gobierno, kende ta parti su karchinan di bishita cu un frecuencia di 250 pa luna.

No unicamente pasobra cu e hefe redactor ta un tipo masha satishecho cu su mes; y cu ta hanja cu ta necesario pa continuamente gaba su mes den su propio kolumnanan.

No unicamente pasobra cu e hefe redactor aki no a hanja curashi pa cuminsa presenta su editorialnan "indigesto" na su lectoran, cu despues cu su colega Beurs en Nieuwsberichten cu su pen skerpi manera nabaha repatria.

No unicamente pasobra cu e hefe redactor desde e tempo ey ta esun cu tin mas di bisa den prensa Curazolenjo (y pues tambe den Amigoe di Aruba) y ta yama su colega cu un minesprecio "stukjesschrijvers".

No pasobra cu el a aposta ariba un cabal politico cu a resulta di no ta mucho confiable.

Manera nos a bisa no ta pa tur motibonan aki cu Amigoe di Curacao ta un diario stranjo.

Loke ta di importancia, especialmente pa Aruba, pa tene na bista ta e echo, cu e edicion di Aruba, desde algun lunanan ta carga e number di "Amigoe di Aruba". Tambe ta para ariba e corant cu e ta worde publica y reparti door di Paulus Drukkerij, Oranjestad. Cu esey pues nan kier duna e impresion cu di pronto e no ta un corant Curazalenjo mas, no un "Amigoe di Curacao" mas, pero a bira un propio berdadero diario di Aruba. E correspondiente local ta grita esaki den tur cuatro skina.

Naturalmente e number aki no ta nada mas cu un apariencia enganoso, un decor a la Hollywood pa influencia e lectoran y anunciadornan di Aruba pa crea cerca nan un impresion cu segun nos, por completo no ta worde cubri door di e echanan.

Tampoco den e caso aki no ta asina pa muestra con atrobe e diario aki, parse ta busca manera di enganja su publico. Nos kier cuminsa na cuminsamento. Si en berdad aki tabata trata di un diario di Aruba, con por ta tanto cu e unico diferencia cu e tin cu e edicion cu ta sali na Corsow, ta enomber y nada otro? Con por ta tanto cu na Aruba tin unicamente un correspondiente, un persona pues cu redaccional y den cuestionnan importante di politica di e corant no tin

(Sigui lesa pag. 2)

Proposicion di Merca pa desarme na Ginebra

GINEBRA, 20 maart - E mericanonan a propone e rusonan ne conferencia di desarme na Ginebra di destrui ambos e mesun cantidad di avionnan di bombardeo. E mericanonan lo meste destrui nan avionnan di bombardeo dje tipo B-47 y e rusonan e tipo TOE-16.

Ta trata di avionnan di bombardeo B-47 ta un avion jet di bombardeo di seis motor, cu por bula 6500 km sin di meste tuma combustible. E forza di explosion dje carga di bomnan nuclear cu un B-47 por transporta, ta mas grandi cu esun

di tur bomnan di avion huntu, cu a wordu lansa den curso di ultimo guerra mundial pa tur e paisnan cu tabata envolbe den guerra. E ruso Tsarapkin a bisa di no por acepta e proposicion mericano tocante un destruccion di avionnan mericano y ruso di bombardeo cu a sali foi moda. No ta trata aki di un berdadero desarme. E pentagon kier a probecha dje asunto aki, pa modernisa e flota aerea mericano cu avionnan dje tipo A-11.

Segun Tsarapkin, nan por papia di un desarme completo, ora cu ta trata di destruccion di tur avion di bombardeo, tantu nobo como esnan bleuw.

Tsarapkin ta hanja cu e proposicion ruso pa retiro di trupanan di exterior meste tin preferencia. En relasion cu esaki el a muestra riba interceptacion dje avion mericano riba Alemania Oriental no mucha ten pasa.

E "ivasionnan" aki e ta hanja masha maiu.

Pero nan por worde evita si e trupanan mericano wordu retira. E mericano Fisher a bisa cu Merca a duna nan disculpa pa violacion di teritorio di Alemania Oriental, pero a protesta si contra e interceptacion apresura dje avion.

E ta lamenta, cu e rusonan a trese un elemento nobo ne conferencia, cu no tabata un progreso pe trabaownan.

Restauracion di cas Macuarima

Macuarima, 20 Maart - Dia Razon ultimo e firma di contratista - Isidro Lopez a cuminsa cu e trabonan di reparacion di e cas di senjora biuda Petronilla Willems na Macuarima. Manera a worde anuncia anteriormente senjora Willems tabata confronta cu e amenaza di worde saka for di su cas, cual tabata fornica -- un peliger di cay aden un ora pa otro. Pero gracias na un actitud menos severo di e departamento di bouw en woningtoezicht di D.O.W. y e acuerdo di e comite di damas di Sociedad Bolivariana pa duna e buida yudanza, e peliger por a worde elimina. Senjor Isidro Lopez a priminti di haci tur su posibel pa termina e drechamento di e lugar promer cu Pascu Grandi. Ya e comite di damas di Sociedad Bolivariana ta ricibiendo yudanza for di hopi banda asina por ehemplo senjor Addison di Oranjestad a duna un gran cantidad di material gratis y for di otro camindanan ta drenando donacionnan, grandi y chikito.

C.C.C. A RESTA CASI TRES MIL FLORIN

ORANJESTAD, 20 maart - Segun un rapport financiero di e entradanan y gastonan di comite central di carnaval pa aña 1964, e comite cu a cuminsa cu un resto di fl. 650, 44 di aña 1963, despues di e festividadnan por a hiba Fl. 2,758, 22 pa banco. Pa otro aña por haci un salida financiero mas facil. Segun a sali na cla for di e rapport aki comercio di Aruba a yuda e aña aki na un manera grandioso. Como mas cu Fl.10.000, a worde colecta den e sector aki.

E entradanan, manera nan a worde specifica door di tesoro di CCC señor Bruno R. Arends, tabata lo siguiente:

Resto	Fl. 650,44
Bendemento di softdrink y permit	150,--
Eleccion Prins Carnaval	205,50
Concurso steelband y calypso	1,738,50
Carnaval di mucha na San Nicolas	121,--
Carnaval di mucha na Oranjestad	305,75
Eleccion Miss Aruba	1,712,--
Entrada pa participacion Miss Aruba	400,--
Eleccion Reina di Carnaval 1964	4,040,--
Parada na San Nicolas	164,--
E gastonan segun nan a worde nota	
Fiesta bailable pa eleccion prins carnaval	44,--
Parada di prins carnaval	200,--
Parada di mucha San Nicolas	539,10
Parada di mucha Oranjestad	753,52
Steelband y calypso contest	1,829,25
Eleccion Miss Aruba	2,214,35
Eleccion Reina di carnaval Aruba 1964	3,545,36

Parada grandi San Nicolas	1,040,90
Parada grandi Oranjestad	2,235,97
Entregamento di premlonan na Aruba Caribbean Hotel	1,584,35
Gastunan general (no specifica red).	2,543,17
Total	17,028,97.



SABOR CU NUNCA TA
VARIA

IT NEVER VARIES.

FATUM Tel. 1845-
pa tur bo aseguronan



Diarazon anochi pa un cuarto pa diez a yega Aruba ministro vice presidente di Hulanda Mr. B. Biesheuvel, acompaña pa su esposa y premier E. Jonckheer y esposa. Aki ta e momento cu ministro Biesheuvel ta worde contra na trapi di e avion pa Gezaghebber O.S. Henriquez, mientras, na drechi premier Jonckheer y na robey secretario di teritorio insular L.C.M. Kerstens ta cla pa saluda otro.

Apuntes Editorial

(Continuacion di pag. 1).
ningun poder pa tuma desicionnan (inanera a worde inuista claramente durante di un desunjon cu "Amigoe di Aruba"; ora cu e correspondente inmediatamente a demanda e exihidor pa Corsow), y cu henter e politica di e corant pues ta worde dicidi na Corsow? Ediarlo ta anuncia esaki claramente na pagina uno ariba: hefe redactor A.J.M.H. de Mug; un persona kende su cas ta na Prof. Knappertweg na Corsow y kende su oficina ta den Conscientiesteg na Willemstad. No na Aruba!

Nos ta di opinion cu nos tin di mustra ariba e echanon menciona cu segun nos ta enganoso. Nos lo mustra y inmediatamente duna e pruebannan, cu "Amigoe di Aruba" te ainda ta "Amigoe di Curacao". Pues loke ta nifica, pro Corsow, pro N.V.P. ayanan y door di esey hopi biaha CONTRA DI ARUBA, pasobra N.V.P. hopi biaha ta contra di Aruba, manera desde mei anja pasa a worde mustra masha claro mes.

Loke ta para aki riba nos lo kler a accentua cu algun frasenan for di "Amigoe di Aruba". Pues aki bao ta sigui algun partinan di publicacionnan, cualnan nos a mira recientemente den e edicionnan di e diario menciona:

Amigoe di Aruba, 2 maart:

Den un articulo cu un titulo cu letternan masha diki "B.C. CURACAO CONTRA FAVORECIMIENTO DI ARUBA".

"For di e rapport di Gezaghheber di Curacao atrobe a resulta cu e gobierno Antillano, lagando e interesnan di e pueblo di Corsow, un banda ta favorece e territorio insular di Aruba".

Nos pregunta: Un "amigo di Aruba" ta papia of scirbi di tal forma? Esaki no por a worde treci adilanti na un otro manera? E titulo insinuante di dos kolom ariba e promer pagina tabata necesario?

Mas aleu den e mes un articulo: "Pero awor e poder di e votador Arubiano ta bai hunga un papel dominante. Parse cu e partida menor di Corsow notin basta forza pa defende su mes contra di esaki".

Nos comentario: "Continuamente Amigoe ta sugeri cu Aruba a haci algu cu no ta bunita. E no ta scirbi esaki cu asina hopi palabra, pero e Arubianonan ta hanja un smaak masha vies den nan boca."

Amigoe di Aruba 3 maart:

Den e articulo "Memorandum" nos por lesa como comentario di e redaccion di Amigoe di Aruba ariba un memorandum di e Gezaghheber di Corsow: "Sigur ta cu den listanan prepara door di e gobierno di Antillas- fuera di conocimiento di Corsow- ta contene un favorecimiento importante pa Aruba".

Comentario: Atrobe e tono insinuante como siquiera algo a worde haci cu no por sali na claridad.

Amigoe di Aruba 4 maart:

"E delegacion di Corsow, tuma den e delegacion (pa e deliberacionnan na Hulanda tocante di e projectonnan di desarovo Red. A.C.) pa di promer biaha a tende di e sobrante di Aruba (di fl. 13 1/2 millon ariba e projectonnan di urgencia pa Aruba. Red. A.C.) Corsow en todo caso no a presenta projectonnan nobo. Esaki no por worde bisa di Aruba".

Comentario: E mes un tono atrobe. No un tono di un amigo di Aruba segun nos smaak.

Amigoe di Aruba, 6 maart:

Den esaki e hefe redactor ta scirbi personalmente bao di e titulo "ALEGRIA NA CORCOW".

"E decision di e vice-premier Hulandes ta nifica, cu door di kita e hospital for di e lista di projectonnan di EEG (Mercado Co-

C.C. de las Americas kier intermedia entre Merca y Panama

Oranjestad, 20 Maart - Senjor - Clinton H. Whitfield ayera mainta a regresa Aruba for di Colombia, caminda el a asisti na e reunion di directiva di camara di comercio di americanan, el a declara cu e camara ariba peticion di e miembro di Panama a dicidi pa ofrece su intermediacion den e conflictot entre Estados Unidos y Panama, mes ora telegramanan a worde manda pa e presidente-nan di e dos republicanen, senjornan Johnson y Chiari, den cual telegramanan e camarata expresa su preocupacion pa edesunjon cu ta durando basta tempo caba door di cual e bon relacionnan ariba tereno politico y economico entre e paisnan di e hemisfero aki ta bin den peliger serio. Tambe e camara den e telegramanan menciona a ofrece su bon serviciocian pa hanja un resolucion pa resolve e conflicto.

Segun senjor Whitfield a sigui declara a worde dicidi durante di e reunion di directiva cual a tuma lugar dia Luna, dia Mars, y dia Razon ultimo den e propio edificio nobo di camara di comercio di Colombia na Bogota, un edificio di diez piso cu a costa un diez millon dollar, cu e conventie anual cu a keda di tuma lugar na mei/juni di e anja aki lo worde teni for di dia 22 te 26 di agosto na Bogota y no na Miami Beach, como cu na Bogota e conventie lo

mun Europeo, Red. A.C.) e plananan cu tabata pa esaki por worde usa awor pa reparti pa otro projectonnan, door di cual e posibilidad ta worde crea cu Corsow por participa den esaki. Y mas aleu: "E decision aki ta duna satisfaccion na e territorio insular di mas grandi".

Comentario no ta necesario.

Pues mira, esaki ta e tono di "Amigoe di Aruba". Aki y aya tambe algun remarcannan mas suave ta worde haci na e direccion di Aruba, pero segun nos smaak esaki no por cubri e tono di enemistad. Esey pues no por ta otro tampoco: no por stima NVP y Aruba tur dos.

Pa ilustracion di loke ta scirbi aki riba, nos kler a mustra ariba algo mas: Den e promer siman di e luna aki, continuamente nos por a lesa e pregunta den Amigoe di Aruba: "pakiko Aruba a hanja fl. 19 millon mas cu Corsow". Ariba su mes no ta nada malo pa haci e pregunta aki, pero ta bira otro si, ora cu e pregunta ey ta worde haci na e manera di: "esaki ta berdaderamente correcto? E ta bira otro, ora cu e pregunta aki practicamente diariamente ta worde haci den e forma di loke nos kler a mira worde kita for di mesa ta e fl. 19 millon cu Aruba ta hanja mas cu Corsow".

E contesta (no cu letternan diki of cu un "cabez" impresionante) por a worde lesa den Amigoe di dia 12, caminda por worde lesa cu Ministro Kroon a declara - y Gezaghheber di Corsow a asegura esaki despues - cu no tin ningun clase di favorecimiento di Aruba, como cupues Corsow segun henter e Plan di Diez Anja lo bai hanja fl. 300 millon mas cu Aruba. "Aruba na e momento aki ta mas adelanta cu Corsow, como cu nan tin mas plannan cla segun e Ministro Corsow a cuminsa prepara na anja 1960, - Aruba na 1956.

Esun cu awor kere cu "Amigoe di Aruba" contento cu e mal comprendemento aki a worde kita for di caminda y contento cu e seguiranza cu a worde hanja, cu notin

worde usa mas o menos pa inaugura e edificio nobo na un manera grandioso. Pa esaki cu gusto Miami a laga su turno di comercio di americanan e agenda proporcional pe convencion di agosto a worde regla. Senjor Whitfield - kende ta ex-presidente di e camara aki, awor tin puesto den e directiva como miembro, mientras cu alavez e tin e puesto di presidente di honor pa bida di e camara aki.

B.C. di Aruba ta duna conferencia di prensa

Oranjestad, 20 Maart - Dia Razon a worde anuncia oficialmente cu B.C. di Aruba tin intencion di tene un conferencia cu Prensa awe tardi. Segun ta mustra e contact cu anjanan largo tabata kibra entre gobierno di e isla y Prensa local lo worde renoba den e formanan di antes.

Kizas por worde recorda cu na anja 1957 e conferencia mensual cu Prensa a worde elimina despues di un tradicion bon pa anjanan largo. En coneccion cu preguntanan cu a worde haci na tratamiento di e presupuesto 1963, na luna di december 1962, e tempo deputado W.C. Anslijn a priminti di haci tur su posibel pa bolbe cuminsa cu e conferencianan di Prensa. Despues cu un anja largo ningun iniciativa visto a worde tuma, gezaghheber O.S. Henriquez di Aruba durante di tratamiento di e presupuesto pa 1964 na luna di december ultimo a priminti di haci su esfuerso pa renoba e contact entre B.C. y Prensa mensualmente. Despues cu el a bolbe siman pasa di un biaha di masha importancia pa exterior el a bolbe priminti di tene un conferencia cu Prensa, y awor ta mustra cu e promesanan lo worde cumpli. Segun ta worde spera e resultado di e biahnan di gezaghheber Henriquez, ministro Petronia y diputado Tromp pa Israel, Hulanda y Merca lo worde duna.

nada malo den e asunto di fl. 19 millon di Aruba, lo a anuncia esaki tambe cu letternan grandi na su lectornan ta equiboca. Ora cu e deputadonan di NVP di Corsow insinua, cu ta un caso sushi tin cu e fl. 19 millon di Aruba, anto esaki ta worde publica diki y grandi. E ora Amigoe di Aruba ta scirbi editorialnan largo tocante esaki. Ora cu e Ministro mustra claramente cu e sospechannan contra di Aruba ta sin fundamento, Amigoe no ta gasta mas cu 17 frase fini den un di e paginan paden.

Nos tin mester di mas prueba ainda, cu "Amigoe di Aruba" ta "Amigoe di Corsow" y cu lo keda esaki semper?

Pero awor no comprende nos malo. Tur hende tin e derecho pa stima y odia esun cu e kier. Bo por ta na favor di Chroestsjef y contra Debrot, pro Oeganda y contra Lichtenstein. Y di nos banda Amigoe semper napromer lugar por wel di defende e interesnan di Corsow y tin poco estimacion pa Aruba.

Masha bon! E ora no parti un diario rond na Aruba cu ta worde yama "Amigoe di Aruba" pero lage cu su nomber original "Amigoe di Curacao".

Ta ariba e inexactitud aki cu por duna esnan cu no sabi mihor speranza nan enganoso, nos kler mustra claramente.

Pa PASCU GRANDI
nos a caba di ricibi:

BISTIR PA DAMAS

den tur prijs y pa tur ocasion



TAS, SAPATU, SOMBRE etc.

den un coleccion masha precioso

La Linda

BO TIENDA DI CONFIANZA



E NOVEDAD DI ANJA 1964!

cambia color di bo sapatonan rapido y den colornan cu bo kler, pa match cu bo bistirnan. Shu-Mak-Up

Pa PASCU GRANDI... un bunita solucion!

ACME STORE

TEL: 5381 - 5384

Nobo Nobo Nobo Nassaustra 34

Nos a caba di ricibi bunita tela pa fiesta di Pasco venidero. Tambe Dacron-seda Linen-Lamé, den tur color, Jerseys cu disenjos preciosos! Brocaat, tambe tela bordá for di Suiza. Panja pa fura y corda bon cerca nos semper ta mas barata!

Gran interes pa apertura Fanny's Shop na Playa

ORANJESTAD. 20 maart.- Un gran cantidad di prominentenan di nos comunidad a asisti na e apertura oficial di Fanny's Shop den Nassaustra. E acto oficial di apertura a worde haci pa senjorita Mildered Croes, keude a corta e sinta dilanti despues di cual e invitadonan comerciantenan etc. a drenta e edificio restaura modernamente. Entre e presentenan nos por a mira ministro E. O. Petronia kende tambe a bin duna familia Mandwani su felicitacion cu apertura di e tienda nobo. Mientras cu e presentenan tabata combersando y gozando di e bebida y snacksnan na abundancia entre di e decenas boeketnan di flor den e pacus, Padu del Caribe tabata deleita e presentenan cu su musica di piano. Te den e oranan di anochi diferente personanan tabata tin felicitacion famia Mandwani cu nan apertura di un otro Fannys Shop den e shopping centre di Aruba.

Mighty Sparrow pa Aruba?

Oranjestad, 20 Maart - For di fuente bon informa nos a tende cu na fin di otro luna, esta na fin di april lo bin actua na Aruba durante cuatro dia, e famoso cantado di calypso "Mighty Sparrow". "Sparrow kende anjanan largoya tin fama internacional cu su cancionnan calypso lo worde acompaña pa Aruba door di Lord Nelson y King Fighter, tambe cantadornan di calypso. Fuera di esey lo bin tambe un cantante femenina di calypso y alavez - femenina di calypso y alavez - Zailarin cu lo actua hunto cu e otro tresnan.

Servicio rapido y prijs
razonable!

Pa furamento di sientro
di bo auto, tambe dak y
portanan.



RUIZ UPHOLSTERY

koningstr. 4 - tel. 2257

TA BENDE

Un "Junior-Bed"
(cama pa mucha)
den bon condicion!

Pa inf:

Pasa na Reamurstr. 14
of jama tel: 1744.

ENJOY TELEVISION AT ITS BEST



CASA ELECTRONICA

A.V.B. Y JUV. MILLIONARIOS A JEGA NA ACUERDO

(Di Nos Redactor Deportivo)

Oranjestad, 20 Maart - Ayera merdia for di 2.30 te cinco di atardi cu hopi atencion y interes a worde sigui den corte e caso hiba adilanti door di Juventud Millionarios contra di Aruba Voetbal Bond. Sjiem Fat den presentacion di respectivamente Juv. Millionarios y A.V.B. a haci uso pa ratonan largo di palabra. Pa e caso aki tabata reina hopi interes di parti di publico.

Huez J. van Koot a cuminsa cu expresa cu ta duel'e di constata cu atrob e un caso di deporte ta worde treci dilanti di huez debi cu reglamentonan no ta na orde. E ta recorda cutres anjapasa el a hala atencion pa importan- ta di tin e reglamentonan na or- den pero tog no a worde haci caso di su aviso.

Abogado Wix ta muestra com e club a haci tur su posibel pa re- gla e conflicto pafor di corte pero e cooperacion di parti di A.V.B. no tabata existi. A.V.B. no alaga e caso worde trata door di be- roepscommissie mientras cu - tampoco no a bin reaccion pa - nombra un comision di arbitrahe. Tambe a worde nenga e permiso na e club pa acudi cerca huez pero apesar di esey e club a dicidi di tog haci un caso pa asina worde teni cuenta cu suderecho- nan tambe. Abogado Sjiem Fat a informa cu e suspension condi- cional imponi door di A.V.B. a- wor a worde kita door di edirec- tiva di e bond. Abogado a muestra

cu varios ehempel com reglanan di F.I.F.A. y N.A.V.U. ta prohi- bi asociacionnan di acudi na huez. Tocante esaki e huez a haci e remarca cu mester worde tene cuenta cu leyman di un pais tambe. E ta contra deci cu e carta na beroepscommissie a worde teni atras mientras cu e ta alega ade- mas cu Juv. Millionarios, por a acudi directamente cerca e comi- sion di apelacion mesora. E ta informa tambe cu riba su propo- sicion directiva di A.V.B. ta com- pletamente dispuesto na acepta un comision di arbitrahe y na cual kier decision cu e comision di arbitrahe tuma. Un revelacion pa e insidernan presente tabata ora cu abogado Sjiem Fat a de- clara cu segun informacionnan di e tesoro di A.V.B. Juv. Millio- narios tin caba un suma di f.600 pa hanja di su weganan hunga ainda. Huez a considera tambe cu e mo- tibonan usa pa saka juventud for di e programa di wega tabata - masha dudoso.

Despues di a tende ambos abo- gado huez van Koot a propone pa haci un esfuerzo mas pa un acuerdo worde cerra entre e dos partidonan sin cu e tin meste di tuma un decision. Su proposicion tabata cu e dos partidonan ta - nombra cada uno un arbitre y e dos arbiternan lo nombra e tercer arbitre. Nombramento di e dos arbiternan meste tuma luga den- ter di un siman mientras denter di diezcuater dia e dos arbiternan hunto mester nombra e tercer - arbitre. Den caso cu edosnan aki no por yega na un acuerdo anto nan dos lo acudi na huez cu e peticion pa esaki nombra e ter- cer persona. A.V.B. ta compromete sumes di reinstala Juventud denter di tres dia den tur e acti- vidadnan riba cual e club tin de- recho como miembro es decir tambe ponel'e den e programa di weganan. E decisionnan di e comi- sion di arbitrahe ta final tanto pa A.V.B. y Juventud y mes- ter worde respeta y acepta. E huez a menciona pa e comision investiga profundamente si meste worde imponi castigo en conec- cion cu e weganan hunga na Pto. Rico y den caso cu si ta kiko e castigo lo ta. Tambe e comision a hanja e autoridad pa dicidi ta cual partido lo carga e gastonan haci t e awor en relacion cu e conflicto y si e gastonan ey lo por worde reparti entre e dos partidonan. Finalmente e huez a expresa su deseo cu cuenta worde teni cu su aviso duna ya ta tres anja caba mientras cu e ta con- tento cu e dos partidonan a bai di acuerdo cu su proposicion. E ta spera tambe cu e comision di arbitrahe lo worde forma masha pronto pa asina e conflicto aki por pasa pa historia. Despues cu ambos abogado a con- firma di acepta e proposicion di huez van Koot abogado Wix a hala atras e kort geding cu el a pidi.

Serie vs Sto.Dom. ta cuminsa awe

(Di Nos Redactor Deportivo)
Den Lago sportpark ta cuminsa - awe noch e serie di tres wega di baseball amateur entre e e- quipo campeon AA di Sto. Domingo y un seleccion local. Awe e dominicanonan ta worde spera na nos isla cu un avion militar domi- nicano. E viahe pa Aruba tabata e premio cu a worde ofreci na e club cu sali campeon di St. Domingo. Tanto awe noch como majan a- noch ta worde hunga den Lago Sport Park, mientras cu dia Do- mingo mainta e tercer partido lo tuma luga den Wilhelminastadion. Pa e partido di dia Domingo mane- ra nos a anuncia caba, lo worde permiti cu e hungadornan di e actual campeonato di Oranjestad Little League, lo por presencia e partido pagando unicamente diez plaka cu tal cu nan acudi na Stadion den compania di e mana- ger di nan team. Indudablemente ta un bunita gesto di directiva di A.B.B.A. cu den e forma aki ta facilita e futuro pe- loteronan di nos isla pa por mira un interesante wega internacio- nal.

Tennis na Aruba Jrs.

(Di Nos Redactor Deportivo)
Dia Razon atardi a cuminsa ariba cancha di tennis di Aruba Jrs e anual campeonato di singles pa caballeros di e club. A enfrenta otro den e promer partido Efraim Tromp y Sid Frigerio resultando Tromp e ganado den dos sets cu score di 6-3 y 6-4. Esaki tabata un partido di clase A. Di clase B atopa A. Dieffenthaler y Edgar de la Nooy den e promer partido di e division ey. Dieffent- haler a resulta vencedor den dos



E ADRES IDEAL PA

REGALOS DI PASCU GRANDI

● FANTASTICO: MES ORA BO TIN EXITO
SERCA NOS!



Semper ta un placer compra serca:

KAN N.V.

set tambe, cualnan a caba 6-2 y 6-1.

E segundo partido di clase B taba- ta entre D. Baarh y J. Trappen- berg. Esaki a dura tres set y a finalisa den favor di Baarh. Pro- mer set tabata di Baarh cu score 6-4. Cue mes score aki Trappen- berg ta pone e segundo set riba su nomber empatando e wega. E set number tres, decisivo a ca- ba 6-1 pa Baarh, culcual esaki a gana e match tambe. Como cu e torneonan ta eliminatorio tres hungador pues a keda elimina- riba e promer atardi. Majan atardi e campeonato ta continua.

Graduadonan na St. Gerardus

Oranjestad, 19 Maart - For di - Ulanda e noticia a worde ricibi cu e siguiente personanan a gra- dua pa diploma Boekhouden di e Bond van "Groote" schrijver St. Genesius: E. Rafael, G. Croes y J. Tromp. E cuatronan aki ta ricibi nan cur- so serca St. Gerardus Cursus. Dos no a pasa.

OUR ANNUAL



HURRY
Discount
now
50%

That's right! Start running now to the most fabulous bargains ever.

High quality merchandise, at unbelievably low prices, we're practically giving it away!

NEXT WEEKS DISCOUNT
60%

ARUBA TRADING COMPANY

E ASUNTO CYPRUS

Tiramento nobo entre griego y turconan

NICOSIA, 20 Maart - Den e pueblo Turco na. - Cyprus Ghaziveran na 64 kilometer na este di Nicosia, tabatin bringamentunan, segun un bosero militar britanico. E tiramentu un ora y mei despues a stop.

Un bosero dje gobiernu Cyprus a bisa cu e bringamentunan a cuminsa despues cu trupanen di gobierno a pidi e chipriotanan Turco pa kita tur e baricada di caminda y entrega arma cu nan tin ilegalmente den na poder. E Turconan a contesta, cu nan lo habri e caminda pero arma si nan lo no entrega. Despues nan a tira cu armanan riba trupanen di gobierno, segun e bosero. Por lo menos dos griego a keda herida.

E crisis rond Chipre a yega na un punto morto en espera di un descripcion exacta cual ta e tarea di e trupanen di Nacionnan Uni. Oe Thant a bisa na seho di seguridad cu e ejercito di Nacionnan Uni lo bira operacional asina cu tin suficiente trupa riba e isla. Pero te awe no tabatin mas cu 400 militar Canadiense. E cantidad di militar cu Nacionnan Uni tin idea di manda e isla ta 7000. E Canadiensenan lo manda en total 1100 militar, mientras cu Inglatera lo contribui cu 3500 militar. Un portavoz di Oe Thant a bisa ademas cu enfasis cu un descripcion mas aleu di e mandaat di e ejercito di paz ta cai completamente bou di Nacionnan Uni. E vice-president di Chipre, Dr. Fadil Kutschuk, ayera a manda un telegram pa Nacionnan Uni, den cual e ta bisa cu e chipriotanan Turco ainda ta worde ataca practicamente tur caminda riba e isla. Gobierno di Alemania Occidental a dicidi pa pone 500.000 dollar disponible pa e ejercito di Na-

cionnan Uni na Chipre. Foi dje capital Wellington di Nueva Seelandia nan a anuncia, cu epais akilo contribui cu 75.000 florin den ejercito di Nacionnan Uni. E ministerio brasileiro di marina a participa, cu Brazil lo entrega pe forza di paz di Nacionnan Uni 260 marinier bow di direccion di 10 oficial. E mariniernan dia Domingo awor lo wordu hiba cu e avionnan militar di Brazilia pa Cyprus. Nan equipo lo wordu manda despues cu e portavoz brasileiro, Minas - Gerals.

The Blues Busters a jega Aruba

Oranjestad, 20 Maart - Desde algun dia ta keda na nos isla e duo di Jamaica "The Blue Busters" cantantenan di musica popular y moderno, especialmente pa teenagers. Probablemente e hobennan lo keda pa diezcuatro dia na nos isla caminda nan lo actua den diferente culnan. Segun nos a worde informa nan lo worde acompaña durante nan actuacionnan pa e conjunto di Aruba "The Hap Cats". Ya e hobennan aki, James Phillips y Lloyd Campbell, tur dos di 22 anja di edad a bishita diferente paisnan, ultimamente nan tabata na Corsow caminda nan tabatin hopi exito cu nan actuacionnan na nos isla. "The Blue Busters ta conoci pa nan disconan "Oh Baby", y "Behold".

Reunion di N.U. a termina

TEHERAN, 19 maart.- E di binti sesion di e comision economica pa Asia y lejano oriente di nacionnan Uni a termina na Teheran. Representantenan di 28 pais afilia a reuni eyan for di dia dos di e luna aqui. E minister president di Iran, Hassan Ali Mansour, a tene un discurso di clausura.

Reunion general di Tropical

Oranjestad, 20 Maart - Den e edificio di Centro Hubenil Tanki - Leendert lo worde teni dia Domingo, dia 22 di maart 1964, e reunion general anual di Tropical. E reunion lo cuminsa pa 10' or di mainta. Un di e importante puntonan di agenda ta eleccion di un directiva nobo. Actualmente e directiva ta consisti di e siguiente personanan: President Nicolaas Dijkhoff, vice president Juancito Croes, segundo secretario Alberto Falconi, tesorero Jacinto Danies, segundo tesorero C. Boekhoudt, y comisarionan G. Danies, A. Brete y P. Antersijn. E directiva completo ta reeligible.

Reunion general di Jong Aruba

Oranjestad, 20 Maart - Dia Mars dia 24 di maart pa 7' or di anochi, e club deportivo Jong Aruba lo tene su reunion general anual. E reunion lo worde teni den e patio di Noord Social Club na Noord. Ademas di e diferente resumenan di custumbra tin tambe riba e agenda eleccion di un directiva nobo. E directiva actual ta consisti di e siguiente personanan: Victoriano Bermudez president Clemente Zievinger vice - president, S.J. Giel secretario, Antero Gil segundo secretario, Frans Figaroa, tesorero, Bernardo Maduro segundo tesorero, y comisarionan Domingo Perez, Guillermo Tromp y Pedro - Tromp.

Jose Cecilia 30 anja na Lago

San Nicolaas, 20 Maart - Awe senyor Jose Cecilia di 52 anja di edad lo cumpli 30 anja cu e ta den servicio di Lago. Senyor Cecilia a cuminsa traha na Lago na anja 1933 dia 20 di oktober como obrero segunda clase den mason department. Despues di a hanja su lay off na anja 1934 el adrenta e compania atrobe algun luna despues di su lay off, como walter second class, despues el a bay departamento di laundry como obrero D. Na anja 1937 el a worde translada pa process department lof como process helper D, caminda e ta traha ainda, despues



Ultimamente senyor Jose Geerman (drechi) a celebra e echo cu ta 15 anja cu e ta den politica. Na ocasion di e celebracion aki un comision bao di presidencia di senjora Vera Van de Berg-Solognier a entrega un bunita regalo den forma di un teblachi di plata cu number di e comision graba aden. Aki na robez senjora Van de Berg ta yuda e yui muher y senjora Geerman habri e pakli.

Extra - Extra - Extra

SPECIAL PA LUNA DI MAART!!!

MODELO 1964 QUICKLY T
(f. 467.50)

MODELO 1964 QUICKLY
S 2/23 (f. 340.--)

- * 2 Hp.
- * 3 speed
- * 50 cc.



Mas ventaha di:

Seis luna servicio gratis -

Unico lugar cu ta drecha bromfiets -

Unico cu ta tene gran surtido di parts

E OFERTA AKI TA VALIDO PA LUNA DI MAART SOLAMENTE.

ARUBA HARDWARE C.V.
(Brenchi)

tel. 1057

tel. 1057

di deferente promocion el a yega na treater na luna di april 1939, e puesto cual e tin ainda.

Yudanza di Merca na exterior

WASHINGTON, 20 maart - President Johnson a entrega na congreso mericano un programa pa yudanza na exterior, cu ta un millar dollar menos cu esun di president Kennedy aña pasa. President Johnson ta pidi congreso pa pone 3.4 millar dollar disponible pa e fin aqui, di cual 2.4 millar pa yudanza economico y un millar pa yudanza militar.

Den su mensaje na congreso president Johnson a bisa cu e yudanza na e paisnan di desarrollo mester worde reparti mas uniforme y cu capital particular mericano mester contribui mas na esey.

Dos tercer parti di e placan pa desarrollo ta bal pa Chili, Colombia, Nigeria, Turquia, Pakistan e India.

President Johnson ta bisa tambe cu tur medidanan necesario di gobiernu lo worde tuma pa laga e yudanza limita na cierto pais ta mas eficaz posible, bou di e lema "no malgasta pero tampoco aboli".

Bringamento na Rooi Taki

ORANJESTAD, 20 maart.- En cuestion cu e bringamento cu a tuma lugar diasabra sinan pasa den mondi di Rooi Taki entre un dama y un caballero, awor recherche a detene e dama tambe y a encarcele.

Manera cu nos a informa anteriormente caba, e caballero E.H. y e dama L.C. a bringa masha formal cu otro den e mondi di Rooi Tanki. Hasta uso di arma a worde haci contra otro. Piedra a worde lansa di un banda pa otro, causando cu un auto den bema a hanja asina hopi sla y di tal forma cu e mester a worde tum a na hospitaal pa tramentu. E caballero E.H. a worde carcela inmediatamente. Pero segun investigacion di recherche ta continuando a resulta cu e historia di promer momento entre e dos personanan aki no tabata correcto. Alfin recherche a hanja sa cu e dos personanan aki conoce otra sumamente bon. Awor ta asina leeuw cu recherche a hanja cu t a mihor pa detene y carcela e dama L.C. tambe.

LABAMENTO DI PANJA SIN DOLOR DI CA- BEZ



gracias na yudanza di

REDDY!

Keho di estudiantenan

Indones na Hulanda

DJAKARTA, 20 Maart - E minister Indones di defensa, general Nasution, a ricibi un carta di estudiantenan Indones na Ulanda den cual esaki ta keha cu gobierno no Ulandes no ta garantisa nan seguridad. Segun a worde participa na Djakarta pa e bosero militar majoor Jusuf Sirath.

Den e carta dje estudiantenan ta bisa cu foi dia cu nan a kohe Dr. Soumokil, lider dje republica di Malukuan del Sur presu, supartidarionan na Ulanda a horta decas di estudiantenan Indones y ataca e estudiantenan femenina. Te ainda, segun e carta, autoridat Ulandes no a duna nan proteccion.

Rusia ta rechaza peticion di Merca

HEILDEBERG, 20 maart - E autoridadnan ruso awe a rechaza e segunda peticion mericana pa libertacion di e piloto herido, cu dia dies di maart a worde tunba riba Alemania Oriental. Asina un noticia for di Heidelberg ta bisa.

Situacion di cas na Argentina ta critico

BUENOS AIRES, 20 Maart - Habitanten di milles di choza na Buenos Aires ta biba den un continuo temor pa incendionan. Den e prome cinco siman dje anja aki incendionan grandi a destrui 670 dje chozanan aki y a laga mas di 4 mil persona sin cas. Hopi di nan a wordu hiba pa edificionan di ehercito.

Na Argentina bo ta hanja ciudad construi di chozanan, cu ta casi completamente traha di hardboard. Cushinamentu tatumaluga riba stooftan di kerosine. Mayoria dje ciudadnan di Choza aki a wordu construi den cantidad grandi den añanan 14 pa 15, ora cu gobierno di Peron, no tabata tene cuenta cu agricultura y e obreronan ta wordu ofrese sueldonan altu den ciudadnan di industria. Solamente na Buenos Aires e cantidad di choza ta calcula riba 80,000.

Huur na Argentina ta altu, principal pa recien casadonan cu kier forma un familia. E 12,000 peso nan (175 florin antillano) di huur pa luna pa un apartamento di dos cuarto casi henter e sueldo mensual di un obrero argentino. Pero hasta e ciudadnan di choza aki ta wordu parti den clasen. Algun ta sushi vies, yen di hende

y sin provisionnan sanitario, cu un rij di muchanan pia abow. Otro dje ciudadnan den curso di tempo a hanja algun provision social, manera un bar, salonnan di belleza, restaurant di barbecue, y palais de danse. Tambe tin algun partera, cuarto di banjo y doucha si ta schaars, mayoria dje ciudadnan di choza aki ta tapa pa antena di television.

Stoofnan di kerosina y kortsluiting den cabuya di coriente ta causa mayoria dj e incendionan. Dia 4 di januari pasa 16 choza a kima door di un chispadi candela di un locomotora cu a pasa. Den un otro caso, un dje partidacionan na un bringamentu di bisinja a sende chozadi subisinja na candela y den un ora 300 "cas" den Villa Tranquila, a keda den shinishi. Tambe nan tin falta di awa pa paga incendionan.

landia cu ta medidor den e kestion, cierto proposicionnan.

E minister di asuntunan exterior di Filipina, Salvador Lopez, a propone, di retira e guerillero nan Indonesi fol teritorio Maleisiano, y di habri deliberasionnan tocante un areglo politico den e kestion y tene un conferencia - cumbre entre lidernan di gobierno di Maleisia, Indonesia y Filipina.

E conflicto di Maleisia

KOEALA LOEMPOER, 20 Maart - Un bosero dje ministerio maleisiano di asuntunan exterior - Achmad Nordin, a bisa na Koeala Loempoer di no sa nada tocante di Prensa fol Djakarta cu ta anuncia cu Indonesia a acepta e proposicionnan Filipino di paz den crisis pa Maleisia, incluso di retiro di guerilleronan Indonesi fol Borneo Maleisiano. Circulonon bon informa a bisa di ta kere cu Indonesia a entrega Thai-

Por considera e portret aki como e prome portret matrimonial di e artista di cine Elizabeth Taylor cu e actor Richard Burton. E portret a worde saca poco despues di nan enlace na Canada.

tinua nan trabao. Prome e president dje comision e embahador di Uruguay, Juan Plate, a duna e conseho rapport tocante e trabao dje comision.

E comision special diadomingo anochi pasa a declara cu Merca y Panama a bai di acuerdo cu otro, locual a wordu desmenti dialuna pa president Johnson. Despues e comision a declara cu su trabao a termina.

E mensahe di gobierno Menegheti a bisa, cu e actual situacion ta trese e instalacionnan democratico den peliger. Rio Grande Do Sul, lo reaciona riba cada intento contra constitucion.

Rusia a lansa satelite nobo

MOSCU, 20 maart - E agencia ruso di prensa "Tass" a anuncia, cu Union Sovietica a lansa un satelite no tripula, Kosmos 26.

E lansamentu ta forma parti di un serie cu ta intencion pa colecta informacionnan tocante vecindario di mundo, incluso fahanan di raya. Segun Tass e instrumentonan bordo di Kosmos 26 ta funciona normal. E satelite ta tuma 61 minuut pa e bira rond di mundo. E prome satelite den e serie aki, Kosmos -1 a worde lansa dia 16 maart dos aña pasa.

Soedan ta expulsa misionarionan

KARTOEM, 20 Maart - E minister Soedan di interior, a ordena e misionarionan den e provincia "Nijl Azul" pa nan bandona e pais.

Segun e gobernador di e provincia aki e medida ta drenta inmediatamente na vigor.

E misionarionan a traha te awor aki den sur di e provincia aki, principalmente na Rosier na frontera cu Etiopia.

Nan ta worde spera na Kartoem fin di e siman aki, di unda nan lo sigui cu avion. E gobernador di e provincia segun e ministerio a raporta cu e misionarionan parece a comete actividadnan subversivo.

E conflicto entre Merca y Panama

WASHINGTON, 20 maart - E conseho di Organizacion di Estadonan Mericano a encarga e cincuhombrenan dje comision special cu el a duna orden pa trata e intencionan di mediasion entre Merca y Panama, di con-

Un gran multitud di prominentenan di nos comunidad, entre otro ministro E.O. Petronia tabata presente na e apertura di Fanny's Shop den Nassaustraat na Oranjestad, diarazon atardi. Srta. Mildred Croes a efectua e acto oficial di apertura door di corta un sinta. E edificio cual a bira un otro adorno pa e calla principal di Oranjestad, a worde reconstrui den su forma actual door di e firma di Isidro Lopez. E interior y exterior di e edificio cual antes tabata Mesker, a hanja un cambio grandi y luhoso.

Pena di morto na Rusia

MOSCU, 19 Maart - Ayera a termina na Moscu un proceso grandi tocante e asunto di speculacion den cual 21 persona entre quende ocho judio a wordu sentencia. E acusado mas principal Arcady Grinberg di 67 anja a hanja pena di morto, 21 persona a hanja straf di un te 15 anja y e ocho sobranan a keda den libertad. 4 acusado tabata miembro dje partido comunista. E proceso a dura 11 siman.

Chroesjef pa Egypto

Cairo, 19 Maart - Ecurant di Egypto Al Ahram a anuncia que prome minister ruso sovietico y lider di partido Nikita Chroesjef na mei proximo lo haci egypto un bishita di 10 te 14 dia, en ocasion di celebracion di medio mei, terminacion dje prome fase dje dam di Assoean y alargamentu di riu nlo. Segun Al Ahram den e dianan vendidero nan lo saca na Cairo y Moscu, declaracionnan comun tocante e vendidero bishita di Chroesjef na Egypto.

Irregularidad na Brasil

BRASILIA, 20 maart - Mas o menos tres mil desempleado na Brazil a serra un distrito. Asina a ser anuncia den un dje hopi noticianan tocante irregularidad politico. Nan a podera di un auto di polis y dje ocupantenan. Funcionarionan a bisa, cu tin peliger, cu nan lo kibra horta den tiendanan.

E demostracion a tuma luga, ora cu e gobernador dje Estado Rio Grande Do Sul, a avisa señor Menegheti den congreso, cu estado lo defende constitucion y gobierno nacional contra atake.

Su declaracion a sigui proposicionnan di president Goulart tocante cambianan importante di constitucion tocante reformanan agraria y abolimentu di limitasionnan pa cu e president o su famianan cu ta di worde reelegi.



EXPEDICION PERUANO TA HANJA AYUDO

LIMA, 20 maart - E indjannan, cu ya ta un siman caba a rondona un expedicion cu ta consisti di 40 hende blancu, den selva den oost Peru, ta prepara pa e acercacion dje militar nan cu ta bin yuda e expedicion, avionnan ta bende provisionnan pe expedicion mientras cu avionnan di caza ta ataca, e indjannan cu tin miedu pa e estranheronan no descubri nan plantacion di papaver. Gobierno a prohibi plantamentu di papaver, cual semilla nan ta usa pa preparacion di droga.

E militar nan, kier dirigi e miembronan di expedicion cu a wordu manda en relacion cu construcion di un caminda, pa e riu Yacarana caminda tin un avion di marina.

Nan exito ta depende di weer. Te ainda e miembronan dje expedicion a hanja molester di awacerunan tropical durante nan viahe largu di 80 km den e sel-

va pa cua nan tabatin meste di cinco dia.

E militar nan, no por a alcanza e expedicion ainda. Nan ta na 15 km di distancia den selva, y lo dura ainda tres dia prome cu nan por salva di esaki. E militar nan tin contact di radio cu e miembronan di expedicion y esakinan a declara cu e indjannan no a molestia nan ayera. Avionnan di caza ayera henter dia e tira den becindario di un habri den selva caminda e miembronan di expedicion ta encerra.

Nacionalisacion na Birma

RANGOON, 20 Maart - E gobierno revolucionario di Birma ayera a nacionalisa tur pacus, tienda, deposito y oficinanan di make laarnan particular na Rangoon. E medida a wordu anuncia oficialmente pa radio di estado. A ser bisa cu no tin otro solucion pasombra capitalistanan di exterior y den e pais a ordena nan miestaferonan (stromannan), di cumpra e articulonnan esencial foi tiendanan di estado y bende esaki atrobe riba mercado Negro.

Etiendanan relaciona inmediatamente despues dje transmision di radio a wordu ocupa pa soldanan. Nan mester a entrega placa di caha provision y boekinan. Un ora despues e tiendanan aki a wordu habri atrobe, cu e mesun donjo cu personalnan, pero actualmente bow di vigilancia di militar nan. Segun radio nan tin falta di blade, articulonnan di toilet, remedi y textiel, cu tiendanan y pacusnan di estado no por entrega pero ta ser vende caro den tiendanan particular. Donjonan dje tienda y pacusnan lo hanja pago di danjo. E nacionalisacion a tumaluga sin incidente.

Francia kier expande comercio cu Mejico

CIUDAD DE MEJICO, 20 maart - Ayera despues dje bishita di tres dia cu president De Gaulle a haci Mejico, nan a saca un comunicado frances mejicano.

President De Gaulle ta declara de n esaki, cu fin di su bishita na Latino Americano no ta solamente pa fortifica relacionnan di Francia cu Mejico, pero e tin como fin tambe pa acentua e vistanan comun riba kestionnan y e idealnan dje paisnan desendiente di Latino y cu tradicionnan latino.

Francia ta dispuesto pa expande entre cambionan cu Mejico riba cualkier tereno. En relacion cu esaki nan lo establece un comision parlamentario Frances-Mejicano.

President De Gaulle a declara cu Francia ta dispuesto di entrega proposicionnan nobo, riba de liberacionnan comercial, cu pronto lo wordu tene na Ginebra bow di auspicio di Nacionnan Uni.

De Gaulle y su colega Mejicano Mateos, tabata di acuerdo, cu Francia y Mejico huntu meste haci esfuerso, pa promogresa expansion dje economia internacional.

Oficial ruso hinka na Alemania West

Frankfort, 20 Maart - E fiscal na Frankfort ayera a habri un investigacion pa e sucesonan caminda un oficial Ruso dje mision militar na Frankfort dia 10 di maart pasa den un barrio di Frankfort a wordu punjala.

E oficial quende su nomber a worde duna pa fiscal como capitán Vistrow, a wordu hanja den cayanan qu cantidad di punjalada y a worde somete inmediatamente na un tratamentu di emergencia den un hospital militar mericano na Frankfort.

Polis no a hanja huella dje asaltante. Tampoco nan por a bisa si ta un muher a hinca e oficial.

Cuba di conferencia na di Colombo

HAVANA, 19 Maart - Ayera nan a participa di fuente oficial, cu Cuba lo participa ne reunion cu nan lo tene den capital Ceylon pa prepara un di dos conferencia di paisnan no uni. E embahador nan Eduardo Delgado y Richard Alarcon ayera a viaha di Havana pa Colombo.

E embahador cubano na Ghana, Armando Entralgo, lo uni cu nan na Colombo.

Temblor di terra na Marokko

Marokko, 18 Maart - Kasi henter Marokko ayeranchi a wordu spanta pa un temblor di terra. Varios hende a hui pafu y a pasa anochi pafu di cas. E temblor cu a tuma luga cu un sonido pisa, a wordu sinti tambe na Spanya y Portugal. Den varios lugar portugueses tabatin soeurnan den edificionan. E epicentro dje temblor tabata keda probablemente den golfo di Cadiz, den Atlantico.

Merca actualmente ta combati energicamente e contrabanda di hendenan na su frontera. Den exterior tin organisacionnan especial cu ta specialisa nan mes den e contrabanda di hende aki. E servicio di imigracion di Merca a publica ultimamente algun portret riba cual ta worde muestra cual metodonan ta ser usa pa e contrabanda aki.

Riba e portret mas ariba por mira con tres homber ta sconde bao di un vloer falsu di nan pick-up. Despues por mira con un homber ta sconde bao di e silla patras di un auto, y e otro portret ta muestra cu tambe trucknan di petroleo ta worde usa pa e fin aki.



AGENDA

ARUBAANSE COURANT

diariamente cu excepcion di
dijadomingo
subscripcion f. 3.25 pa luna
edicion los 20 ct.

edita pa:
N.V. ARUBAANSE DRUKKERIJ
- en UITGEVERS - en PUBLI-
CITEITS MIJ.

imprimi na:

N.V. DRUKKERIJ
„DE STAD,”

Telefoon 1116 Directiva y redac-
cion, 2116 Anuncio y subscrip-
cion.

Directeur hoofdredacteur:
D. Wolff.

POR CUMPRAR ARUBAANSE
COURANT NA E SIGUENTE
LUGARNAN:

NA ORANJESTAD:
BOEKHANDEL MARISKA.
PIET SODA FOUNTAIN.
REFRESQUERIA INGRID.

NA SAN NICOLAS
NICOLAAS STORE
UNION STORE.

TELEARUBA

5.30 Children hour
6.00 NTS journaal
6.15 Robin Hood
6.45 Nieuwsberichten
7.00 Gunsmoke
7.30 Sportnieuws
7.45 Colonel Flack
8.15 Highway Patrol
8.45 Nieuwsberichten
9.00 Perry Mason
10.00 Big story
10.30 Sign off.

BOTICANAN DI WARDA

Oranjestad: Botica Aruba Tel:
1080-1081
San Nicolas: Botica San Lucas
Tel: 5119

demas famia Geerman, Ras, Leon,
Henriquez, Kelly, v/d Biezen.

Awe dia 20 di maart a cumpli
anja Senjor Anceto Tromp, fel-
licitacion ta bini di su esposa Fi-
lomena, juinan Mina y Raymond,
suegra y suegro y demas famia
Henriquez y Tromp.

Dia 19 di Maart a cumpli anja Jose
Maria Figaroa, felicitacion ta bi-
ni di su tata y mama, 12 ruman-
nan, ta desea Jose hopi anja mas
di bida y toer su amigonan di 4de
klas na Noord.

RADIO CARACAS TELEVISION

8.45 Senderos de luz
9.00 Cajas con sorpresas
9.30 Jardin de infancia
10.00 Documentales
10.30 Cosas de mujeres
11.15 Quien es quien en T.V.
11.45 Novela
12.00 Show de Saume
13.00 Noticias
13.05 Cont. Show de Saume
13.15 Se necesita una amiga
13.35 Novela
13.50 Yo se lo vendo
14.20 Punto y aparte
14.45 Estudio Hector Monte-
verde
15.15 Perfecta ama de casa
15.45 Aventuras de Popeye y
Yeyo
16.15 Mejias y sus muchachos
16.45 Busque su marca
17.15 Comedy Capers
17.45 Noticias
17.50 Papa lo sabe todo
18.30 Extraño mundo del Pan-
tano
19.00 Revolver a la orden
19.30 Nuestra Peggy
20.00 El Observador
20.15 Novela
20.30 Craneoteca de los genios
21.00 Pánico
21.30 Las enfermeras
22.30 Noticias
23. Cine para todos

CINE

De Veer: 8.30 p.m. "Het recht
om geboren te worden" 18 j
Rialto: 8.00 p.m. "Gigot" all
Principal: 8.00 p.m. "Requim
for e Heavy-Weight" 18 j
Aurora: 7.00 p.m. "Safe at home"
all
Savaneta: 8.00 p.m. "World in
my pocket" 18 j



Peronistanan na Argentina

BUENOS AIRES, 19 maart.-Des-
conocidonan na Buenos Aires a
benta cinco Molotov cocktail door
glasnan di un deposito, causando
cuminsamento di un candela.
E bomman a worde lansa for
di un auto cu tabata corre. No
tabatin victima. Tambe nan a
parti pamfletanan, firma cu e
palabranan Juventud Revolucion-
ario Peronista.

Arestacionnan na Portugal

LISBOA,, 19 Maart - 26 Estudian-
te, entre quende nos mucha muher
poco ten pasa a keda aresta pa
gobierno portugues en relasion cu
intentonan pa demonstra contra
un prohibicion cu gobierno por-
tugues a pone pa celebra dia di
estudiante, segun a ser informa
di fuente bon informa. E dos
mucha muhernan despues a keda
den libertad, pero sobra a keda
detene.

CUMPLEANJOS

Dia 14 di maart a cumpli 4 anja
hobencita Lucia Florentina Kelly,
felicitacion ta bini di su tata Da-
bian, mama Florita, rumannan
Elvira y Janchi, welanan Anita
Geerman y Martina Kelly, welo
Lito Kelly, 7 tantanan, 4 omonan,
primo y primanan, madrina Mar-
colina Geerman, padrino Everal-
do Croes, especialmente di Mar-
garitha Geerman y demas famia.

Dia 15 di maart a cumpli anja
Raymundo Regino Solognier, fe-
licitacion ta bini di su mama y
tata, 11 rumannan, madrina Ber-
ta Solognier, padrino Sai Croes,
tanta y omonan, welo y welanan,
especialmente di su amigay ami-
gonan.

Dia 18 di maart a celebra su fe-
liz cumpleaños Señor Francisco
de Cuba, felicitacion ta bini di
su mama Bertha de Cuba, tata
Hose de Cuba, 8 rumannan, tanta
y omonan, madrina y padrinoan,
sobrinanan y demas famia de Cu-
ba, Willems, Everon, Webb y Kel-
ly.

Dia 19 di maart a cumpli anja

Despues cu el a firma
e ley nobo pareforma
agraria na Brasil, pre-
sident Joao Goulart a
tene un discurso pa un
multitud grandi den cua
el a duna un splicacion
di su decision. Riba e
portret aki por mira -
Goulart durante su dis-
curso den compania di
su esposa Maria Tere-
za.

Señor Hose Werleman, felicitacion
ta bini di su esposa y demas
famia Werleman.

Dia 19 di maart a cumpli 5 anja
hobencito Judi Ras, felicitacion ta
bini di su mama Brigida, tata Ja-
cobo, rumannan Eddy, Vicente,
Francisca, Rafael, Juana, Maria,
Luis, Timotheo, Pascualito, ma-
drina Florita Kelly, padrino Bas-
tillé Maduro, 5 tantanan, 4 omonan,
estimada wela Anita Geerman y

PRONTO DOBLE CAYONAZO SORPRESA DI BOCA CHICA

AMARGA EXPERIENCIA

Novela pa

Pancho Papa la Poncha Pi

No. 26.

Ningun hende por yudami Gilbert
ningun hende, solamente un, y mi
a pidié asina hopi biaha caba. Pero
mi culpa ta asina grandi, asina
grandi, cué no por pordonami,
inaske nan ta bisa cu tin compa-
sion cu nos pedacornan. Inabo ta

hasi bo mes bira desesperá. Bo
culpa no por ta asina grandi, cu
hasta Dios no por pordonabo.
Nan a keda keto un rato, y porfin
Ina a cuminsa papia. "Mi mata,
Gilbert, mi kler a tuma lugá di
tata Todopoderoso". Gilbert a
keda pará manera clabana suela.
"No, no, esey no por ta berdad.
Mi no ta kere. Mas lihé mi por
kere cu ami a mata, pero no
abo, Ina". "Si, mi a mata mi
jiu Gilbert, mi prpio jiu homber
chikito". Gilbert no sa kiko pa
haci, pero toch e ta controla su
mes. Cu dñe el a pasa subraza
rond di In su schouder.

"Contami tur cos Ina", el a bi-
sa poco poco. Ina a keda keto
un rato, y a sosegá su cabez
riba Gilbert su pecho. Gilbert

no a sigui puntra, pero el a la-
ga Ina mes papia. E tabata sa
cu Ina lo conté, pasobra ya e
no por soporta e silencio mas.
Y porfin el a cuminsa conta,
poco poco. "Bo sa kiko ta
nifica cu bo ta morto pa un hen-
de, cu di día y anochi bo tabata
desea di bolbe mira, di tene
den bo brazanan atrobe?
Solamente e pensamiento riba mi
jiu a tene na bida, esey so a
salbami pa mi no comete un lo-
cura cu mi culpa". El a bolbe
keda keto, pero Gilbert ta cari-
ciando su cabeynan. E no tabata
por a papia. Poco poco Ina a ke-
da miré den su cara. "Mi por
a mira mi jiu bek, Gilbert, pero
mi tabata rondi mi Jeanchikito.
Pero mi dilanti tabata pará un
Señorita bunita, cu a keda mira
su mama stranjo y despues el
a cana bay cerca un otro muhé
y el a jamé: MAMA, Un pala-
bra cu a haci mi malo di deseo."
Cansá Ina a baha su cabez y a
leun riba Gilbert su schouder.

"Ina, mi dushi, bo no nesce-
bra desesperá, bo ta asina jo-
ven. Si bo bolbe casa, lo bo bol-
be tene un jiu den bo brazanan,
y e ora ey e recuerdo lo no mo-
lestabo asina hopi mas." Ina a
keda keto, pero di repente el a
lanta para.

"Un biaha mi tambe a pensa a-
sina, Gilbert, pero awor mi sa
cu e deseo pa mi jiu, lo keda -
mescos cu un candela den mi cu-
razon. Y cu hasta un otro jiu, no
por haci e candela ey paga." Ina
a pasa man den su cabey, man-
nera un hende nervioso. "Ta laat
caba, Gilbert, mi mester bay -
bek." Keto Gilbert a sacudi su
cabez, y na e momento ey el a
bolbe Ina pa. Nan a jamé ayo,
y des, es nan a cuminsa cana.
Gilbert ta cana keto banda di Ina
y ta pensa. Y despues di baha
rato cu nan a cana un bon pida,
el a dal para, y a coy Ina tene
duro. El a bolbe corda ta pakiko
el a sali corre su tras. "Kiko
tin entre abo cu papa? Ta berdad
cu el a pidi bo pa casa cu né?"
el a puntra rabia. Ina su cara a
bira corra, y el a baha su cara.
"Papá Ina! Ta berdad loke tan-
ta Gertruda a bisa? Lo bo casa
cu mi tata?"

Cu orgullo el a hiza su cabez
y a keda miré. "No Gilbert,
hainas lo mi casa cu bo tata.
El a coy Ina su man tene bruto

y su wowonan tabata brilla. "Mi
tabata sa, cu no ta berdad. Abo cu
papa.....ta con mi por akere se-
mejante cos? Pordonami mi --
desconfianza, Ina, pero mi nota-
bata sa kiko pa haci ora cu tanta
Gertruda a bisa esey." Ina su
cara tabata tin un expresion dolo-
roso riba dje. "Mi no tin nada
di pordonabo Gilbert, pasobra
bo tanta a tende masha bon. En-
berdad, bo taba pidi mi pa casa
cu né, y ami..... pa un momen-
to mi a hunga cu e pensamiento di
bisa "Si....." Pero el a pone
poné su man riba Gilbert su bra-
za, ora cu el a ripara con Gilbert
a sinti, "pero mi no ta stima bo
tata, Gilbert."

Mi tin hopi respet pé, y mi taba-
ta desea hopi pa mi tin sosiego y
pas, y mi a kere cu é por duna-
mi esey. "Y ami Ina?, kler
meen cu ami no ta nifica nada
pa bo?" El a pone su mannan cu
ternura riba Gilbert su cara,
mescos cu un mama por hasi.
"Gilbert, abo ta un bon amigo
pa mi, un ruman homber.
Mira mi ta mucho mas bjeuw
cu bo, si bo baha cu mi, mi no por
ofrecebo alegría, pasobra yu pa
mi, bida no ta nifica nada mas.
Pero abo ta joven ainda y bo por
bira felis. Cuakier dia lo bo
contra cu e muhé di bo sonjo, y e
ora ey lo bo hari pa loke bo taba-
ta sinti pa mi antes." "No, Ina

nunca, mi ta stima bo, riba tur
cos den e mundo aki. Mi no ta un
mucha mas, cu no sa kiko pa haci
su cu sentimentonan. Ina, casa cu
mi, y bo no ta sufrí mas. Lo bo
haya sosiego den mi brazanan. Y
lo mispera cu pasenchi riba e dia,
cu bo mes bin bisami cu bo ta
stima mi. Tur cos mi kier sorpor-
ta, tur cos, pero no lagami atras.,
mi ta rogabo Ina." "Gilbert, mi no
por.....comprende pa mi. Bru-
to Gilbert a stia Ina fol dje.
"Si mi ta comprende bo Ina, Bo
ta lagami atrás, pasobra bo kler
casa cu mi tata, pakiko bo a sin-
ta ganjami?" El a bira su cara
y dje el a saca un careda corra
bay.

Ina a keda miré un rato, pero
despues el a cuminsa haya mie-
do. "Gilbert", el a cuminsa gri-
ta, "Gilbert", warda un rato,
scuchami! Pero Gilbert no ta-
bata tende su grito desesperá, of
é no tabata kier tende. El a si-
gui corre, manera un hende lo-
co, y cu no a ripara e peliger cu
e ta den. Manera un hende blind
el a sigui corre. Ina su spanto -
a pasa un poco, el a cuminsa cor-
re su tras, mas duro cu e tabata
por. E mester aclara e malenten-
dimento di Gilbert. Pero di re-
pente el a dal para, e por a mira
con Gilbert a trompeca, y a busca
moda di wanta....., pero despues
Gilbert a dal un grito horribel, y
el a somenta. E ta sigui...

RIP KIRBY

pa cortesia di:

JAN BODEGCM & CO (ARUBA) N.V.Agente exclusivo di **FRIESCHE VLAG**

lechi evaporado y lechi en polvo

MAXWELL HOUSE KOFFIE.

**CISCO KID**

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.

**BUCHI ROBEZ**

Pa cortesia di:

REFRESQUERIA INGRID

tel: 1849

E mihor adres pa snacks, tur clase di dushi, softdrinks, ice-cream y revistas.


**PEPITA**

with compliments of

OFICINA MARITIMA DE ARUBA

DOCUMENTATION & TRANSPORTATION

FOR INCOMING, LOCAL & OUTGOING CARGOES BY AIR, SEA AND LAND

**DICK TRACY****Horoscopo personal**

ARIES 21 Maart - 20 April

Awe banda di merdia y atardi bo tin oportunidad di gana poco placa. Cierito dificultadnan bopor domina masha facil.

TAURUS 21 April - 21 Mei

Awe bo tin di spera cierto influencianan malo pa loke ta trata asunto di placa. No laga esaki dominabo, tur cos lo drecha mas despues.

GEMINI 22 Mei - 21 Juni

No purba haci di mas, cansamento por stroba cierto desaroyo. Bo por logra algo si bo haci esaki personalmente na lugar di laga otro persona intermedia.

CANCER 22 Juni - 23 Juli

Lo ta bon si awe bo pone atencion na cierto problemanan yernonan di antes. Door di esaki bo ta elimina cu tal cos por sosode atrobe.

LEO 24 Juli - 23 Agosto

Un persona cu bo conoce lo tin menos bon noticia pa dunabo awe. Relacionan cu amigonan y gruponan social por ta un estimulante espiritual awe. No bai drumi laat awe nochi.

VIRGO 24 Agosto - 23 Sept.

Probablemente lo bo sintibones malo awe mainta. Trata di hanja sabi pa bo mes si esaki por ta motibo di preocupacion tocante di placa of pa falta di sosiego.

LIBRA 24 Sept. - 23 Oct.

Carta por trece noticia desfavorable awe. Mas laat anochi ta muestra di ta mihor. E ora bo por tin algun ventaha for di planan of ideanan di otro.

SCORPIO 24 Oct. - 22 Nov.

No laga bo mes worde influencia door di estorbonan of cierto instancianan menos agradabel.

Laga otroan paga parti di gastonan cu boso haci hunto.

SAGITTARIUS 23 Nov. - 21 Dec.

Tene bon cuidao ariba calla y durante viaha. Muestra comprensimento ora cu resulta cu otroan ta cansa of di mal humor.

CAPRICORNIUS 22 Dec. - 20 jan.

Algun detallenan fastioso na bo trabao por tin un resultado menos bon pa bo nervionan y pa bo salud. Pone hopi atencion na bo trabao normal.

AQUARIUS 21 jan. - 19 febr.

Tambe awe muchanan of personanan stima por causato dificultadnan. Mas den anochi esaki lo mehora. E oranan laat di e anochi aki probablemente lo trece un aventura.

PISCES 20 febr. - 20 Maart.

Problemanan na cas probablemente lo existi mas tempo di bo cu bo ta desea. Mas laat den anochi tur cos lo bai mihor y lo bo tin dominio ariba e situacion.

Victimanan di frialdad

LONDEN, 19 maart.- Den ultimo dianan seis persona a muri a consecuencia di e frialdad cu a cuminsa di golpi den e ciudad. Mas o menos cuater cien hende a busca tres padvinder, cu antayera a perde den tempestad di sneeuw den territorio pantanoso di Derbyshire. Despues nan a hanja cadaver di e tres hobennan den sneeuw.